

烈祖成績

安積覺編次

卷二十止

伊5

742

20



伊門 5
號 742
卷 20



烈祖成績卷之二十

起元和元年五月終二年四月

安積覺 編次

元和元年五月七日五更神祖大將軍發平岡昧爽至平野

天神森德川記慶元記並云六日夜神祖向茶臼山大將軍

野真田左衛門佐伏兵三百餘人於龜井村俟駕過突出迎

擊諸將未至左右兵寡拒鬪多傷神祖幾危然諸書所不載

蓋繆妄之說今不取諸將各進兵越前少將忠直二萬餘騎西出向茶

臼山本多忠政松平忠明陣于其西松平利光三萬餘騎東

出向岡山口本多康紀本多康俊遠藤慶隆其子長門守慶

勝等慶勝從軍據遠藤系圖陣于其東本多忠朝小笠原秀政其子忠

脩淺野長重秋田實季真田信吉其弟信政等向天王寺酒

烈祖成績 卷二十

井家次。神原康勝。松平康重。稻垣重種等繼之。永井直勝。安藤直次。傳命號令諸軍。板倉重昌。植村家政。內藤掃部頭。侍神祖左右。本多正信在麾下。神祖不擐甲著白袷衣服。正信亦然。本多百助。信勝。率弓手一隊一百人護衛。尾張宰相義直。遠江宰相賴宣。陣于其後為翼衛。松榮紀事初神祖至平野堤前。軍輜重與麾下騎士雜糅。不能相分。神祖數遣使戒之。未能整命。橫田重量制之。重量馳至。令曰。輜重右。騎士左。一言而分。陣列立整。大阪陣冬夏事記大將軍陣于岡山口。丹羽長重。保科正光。成田左馬助。仙石忠政等。陣于幕府之左。井伊直孝。藤堂高虎。陣于右。大番隊長阿部正次。內藤清次。高

木正次。書院番隊長水野忠清。青山忠俊。松平定綱。各率部兵為前軍。酒井忠世。土井利勝。本多正信。三部之兵陣于其左。安藤重信一部為後軍。松榮紀事黑田長政。加藤嘉明。封內之兵未至。故以寡兵從麾下。其餘中國四國西國之兵。未有一人至者。唯松平利隆。以封於播磨。得應期。其兵幾二萬人。慶元
記○冬夏事記曰。城兵不意。東兵猝至。圍城。皆謂經日而至。如去冬警備頗懈。七日天未明。毛利豐前守部兵松岡彦兵衛。雨森三右衛門。按視城中。見井及有水處。插紙于竹立之。此神祖為知戰地險易。中夜遣謀所為。二人怪之。天既明。出望城外。則平野岡山。互四五里。旌旗長槍。蔽空耀日。馳告毛利。豐前守真田左衛門佐。城將皆驚。急出張陣。神祖使監使豐島主膳。間宮權左衛門。傳令水野勝成曰。昨日道明寺之戰。勝成部兵多死傷。今日須為麾下前鋒。張陣住吉。

勝成辭曰。向住吉則距大阪城頗遠。非所願也。監使曰。命不可拒。勝成不得已。與堀直奇。丹羽氏信。其餘大和將士。出陣于住吉。水野系圖。冬夏事記。大阪之兵十餘萬。東自青屋口。西南至茶白山。各張陣。真田信仍屯茶白山。伊木遠雄。大谷吉久。渡邊尚屯山南。福島伊豫守。福島兵部。真田采女。吉田玄蕃。篠原又右衛門。石川數矩。津田左京。結城權之佐。淺井周防守。竹田榮應。相竝而陣。毛利勝永。其子式部少輔。○松榮紀事。此衛據冬夏事記。左兵衛六。下。載山本左兵衛。據冬夏事記。左兵衛六。日戰死。見上文。故不書。櫛井勘解由。屯天王寺。庚申堂前。大野治長。屯天王寺之東。七隊長成列。陣于其後。木村主計頭。湯淺右近。長岡興秋。小倉行春。青木攝津守。樋口淡路守。

津田平三郎。內藤宮內。三浦飛驒守。稻木三右衛門。陣于其

東。大野治房。其弟道見。御宿政友。屯岡山。津川左近。○德川

戰記。名親行。據斯波系圖。斯波治部大輔。義良孫。津川義近。第二子。從四位上。左近將監。名近治。然與叔父津川玄蕃。允

近治。同名。故立秀賴。金瓢馬標陣于此。二宮與三右衛門。關

記。大全曰。初稱千太郎。事織田信孝。後事豐臣秀秋。秀秋卒。入大阪城。屬御宿越前守。岡田縫殿助。岡

部則綱。○冬夏事記曰。大野主馬兵二萬。隊將與主馬不協。戰死。大學雖力戰有功。而遁至安松。米田監物。御宿越前守。

上條。又八等皆惡。其不救。團右衛門之死。訴主馬曰。怯懦如

大學者。不可為隊將。主馬曰。方事之殷。逐大將。不可也。亂平

當議之。故皆怨。主馬監物。又八與團右衛門。故部曲。別為一

隊。張陣。亂平。大學遁逃。薙髮。號恨世。庵人有問。大阪之

戰者。輒曰。吾休為丈夫。戰陣之事。所不知也。終不答。槇島

昭光。山川賢信。中島掃部。新宮重朝。屯其前。根來之兵。屯其

後。德川記慶元記並曰。大將軍右軍松平利光以山崎間齊
 宮城丹後守政元。石河貞政。蔣田權之助。陣其東。冬夏事記
 曰。松平筑前守利光為前軍。向岡山。本多大隅守。加藤左馬
 助。黑田筑前守為二軍。石河伊豆守。蔣田權之助。本多縫殿
 頭。片桐東市正。其弟主膳正。遠藤但馬守。本多豐後守。為右
 軍。藤堂和泉守。細川越中守。井伊兵部少輔。為左軍。水野隼
 人正。青山伯耆守。松平越中守。高木主水正。阿部備中守。高
 力左近將監。土井大炊頭。酒井雅樂頭。本多佐渡守。為麾下
 前鋒。大將軍陣于其後。安藤對馬守。為後拒。本多出雲守。真
 田河內守。其弟內記。植村主膳正。松平石見守。淺野采女正。
 秋田城介。向天王寺。松平丹波守。酒井左衛門尉。榊原遠江
 守。稻垣攝津守。為左軍。藤田能登守。成田左馬助。小笠原兵
 部大輔。其子信濃守。大學內藤帶刀。松平安房守。松平甲斐
 守。牧野駿河守。水谷伊勢守。保科彈正忠。丹羽五郎左衛門
 仙石兵部少輔。細川玄蕃頭。為右軍。本多美濃守。松平下總
 守。率美濃伊勢之兵。向安倍野。松平政宗繼之。越後少將忠
 輝。為後拒。按東軍及大阪諸將陣列。諸書有異同。今據松榮
 紀事。大野治長往茶臼山。與真田信仍議策。信仍曰。天下匈

匈。決其雌雄。正在今日。右府出下令。則鬪士益奮。願足下勸
 右府。出莅戰場。治長然之。入告秀賴。時城中訛言。秀賴出櫻
 門。則內有反者。故秀賴諾而不果。大阪記曰。神祖使大野修
 理。曰。七隊長中有內應者。秀賴出門。則必反。秀賴將出。修理
 呈其書。故止。今從松榮紀事。○難波戰記曰。城兵陣列。秀賴
 將出。神祖使本多三彌。阪部三十郎。久世三四郎。規敵形勢。
 三人歸白。敵陣厚重。不動。士皆欲鬪。神祖設策。遣使城中。又
 申和議。曰。事既如此。勢不可已。然秀賴有子婚之親。終不可
 棄。儻能和親。則封以和州。秀賴聞之。回馬入城。又集將佐。議
 之。昨日之戰。城中驍將多死。士皆奪氣。故爭勸和親。獨速水
 甲斐守不可。曰。天王寺之敵。既挑戰。請亟決計。出赴戰場。二
 議不決。秀賴召大野修理。及甲斐守。議之。時二人出在城外。
 將接戰。而召還入城。鬪士疑惑。旗幟動搖。神祖見之。麾兵齊
 進。故能一舉大捷。按秀賴召還治長守山也。真田信仍謂之曰。明石掃部屯船場。今須使彼卷旗經
 久。在下文。岡山之戰。說見下。故不取。

間道出茶白山之南麓。我出其上挑戰。然則大御所近習之士。出而接戰。我乘其機。急擊麾下。則必取勝。掃部未至之間。宜令諸軍勿與交鋒。治長從之。與信仍及伊木遠雄定約而去。毛利勝永出茶白山之東。使步卒放銃擊我軍。信仍遣使止之。勝永之兵不聽。信仍怒。勝永馳馬固止之。衆聞其言。反發銃愈多。我軍競進擊之。信仍勝永切齒。怒其失計。竟不能及。信仍謂伊木遠雄曰。事皆睽左。終不可為。今我授命之秋也。因名其子大介曰。我親屬在東軍。故大野修理常有疑我之心。我受右府之命。終無貳心。汝往侍右府。以明我志。大介時年十六。駿府記作十二。難波戰記十三。今從關原記大全。冬夏事記。浪花戰記。固請同死。信

仍怒曰。為士者受攜貳之疑。恥也。汝死。誰能明我無佗。宜與

右府共死。生固遣之。大介不得已。涕泣而去。德川記慶元記。難波戰記。冬夏

事記。松榮紀事。敵兵見大介歸去。不知其故。以為信仍知戰不利。遣

子入城。銳氣頗撓。冬夏事記。日加已。越前少將忠直與弟忠昌直

政。進攻茶白山。前鋒本多富正。本多成重。吉田修理。悉力攻

之。真田信仍。白馬黑甲。秉旄麾衆。鏖戰移時。大谷吉久。渡邊

尚。伊木遠雄等。善戰。越前大兵奮激。呼聲動天地。城兵不能

支。遂敗走。信仍膽氣益壯。縱橫馳突。越兵西尾仁左衛門或

久作。蓋初稱也。接槍克之。遂獲其首。信仍時年四十六。○浪花戰記。曰。左衛門佐

以其兵望月。宇右衛門為假真田。鎧冑全與己同。使之將兵。仁左衛門所獲假真田之首也。左衛門佐實不死。及八日秀

賴自裁左衛門佐介錯而自殺皆真田勘解由大塚清安高

梨主膳皆敗死德川記慶元記難波戰記冬夏事記松榮紀

安御宿政友守岡山口來于茶白山與信仍議軍事會兩軍

戰酣與本多富正力戰數合難波戰記曰大野主馬以御宿

冬夏事記松榮紀死傷數百人政友重創而死野木右近獲其級大

谷吉久亦戰死浪花戰記曰右近與政友相搏斬之難波戰

其首今從之細川家傳錄曰細川忠興與藤堂高虎同軍

平野路既而城兵七八萬自茶白山馳下與高虎先鋒接戰

高虎兵敗退歷忠興軍忠興察機不動少焉進兵馳突東軍

齊進奮戰移刻城兵遂敗潰不書敵將為誰蓋真田信

仍毛利勝永等也高虎行狀不伊木遠雄走不知其所終慶

書此事似為諱之附以備攷元松平忠昌親斬敵獲級又有敵騎急進與忠昌鬪其鋒甚

銳忠昌從兵多傷忠昌下馬相搏遂斬之部曲皆血戰獲五

十七級忠昌弟直政亦親斬敵忠直凡獲三千六百五十二

級德川記難波戰記慶元記冬夏事記並曰今日之戰越

守最驍勇我兵遇前羽林其鋒最銳所向披靡遂逼城門城兵則毛利豐前

乏者或死或走明石守重與真田信仍定約選鐵騎三百

人欲由界津南路至瓜生野繞出本屯之後擊其不意而天

王寺之軍背約取敗故輟其計屯街口以挑東軍越兵進擊

之守重謂部兵曰敵邀前後無復生路不如破其前軍以挫

左右二軍勁騎三百殊死戰我軍披靡水野勝成陣于安倍

野攻黑門見我軍敗走揮槍殺敵二騎乘勢奮擊難波敵兵

圍之勝成幾危從兵廣田義大夫救之得免義大夫重創幾

死勝永之兵汀三右衛門與守重戰獲其級大阪記曰明石掃部與京極若

狹守戰于京口敗死據難波戰記慶元記冬夏事記○勇士一言集與勝成戰而諸書不書其死今從冬夏事記

曰義大夫日向守書史也六日之戰獲甲士級上之勝成悅義大夫請曰明日之戰願在主公之左右以效死日向守許

之至是通身被創而死日向守悲之祛牙予藥既而蘇使醫療之創雖多非要害浴有馬温泉竟得全愈日向守大增祿

秩擢為家老更稱圖書管沼織部正定芳織部正定盈第先衆疾戰勝

成定芳逐北逼京橋口及西城濠畔戰于木津今宮生玉勝鬢院道頓堀之東西冬夏事記勝成旗奉行神谷久右衛門急進

建旗櫻門水野勝成事記難波戰記松榮紀事神保相茂斬敵數騎退憇士馬

松平政宗前鋒厭其在陣前發銃擊之相茂部兵呼曰我東軍也勿傷政宗之兵為不聞連放銃相茂及部兵二十六騎

皆中鉛斃慶元記難波戰記並以此事係六日道明寺之戰

曰兩御所問其故政宗之兵謝曰東夷鄙俗見大和之兵鎧甲鮮麗誤為城兵擊之罪無所逃兩御所不復窮詰似得其

實難波戰記又書于此而復出松榮紀事亦係于此但云相茂力戰與從士若干皆死不書為政宗之兵所擊似為政宗

諱之按勝成事記七日勝成奉命與堀丹後守桑山左衛門佐神保長三郎趨住吉然則六日相茂未嘗被殺而其死在

七日勝成建旗櫻門之後勝成事本多富正之兵小笠原忠記其所親書可為確據故係于此

兵衛久俊安西越前子小字萬福小笠原氏儀以其外甥授小笠原氏由天王寺街口入

郭門縱火難波戰記小笠原系圖吉田修理追敗兵至天滿時

橋半燒越兵不能進修理躍馬絕流為先導梅雨水漲深淺

易處修理不之覺人馬溺死難波戰記冬夏事記是日軍令以午會戰

岡山前鋒松平利光守令待期見西方戰塵起急進兵敵將

大野治房率大野道見內藤宮內少輔淺井周防守伊藤長安野野村吉安真野宗信石川數矩小倉行春長岡興秋等三萬餘騎出岡山口張陣宗信見利光旌旗進欲擊之利光前鋒長如庵蓋前田利政舊將長九郎左衛門連龍判髮改稱也今無所考山崎間齊本多政重等戰不利敵兵乘勝競進利光秉旄麾大兵縱橫奮擊大敗之進逼城門城兵決死拒戰本多康紀進馬至千貫櫓下敵連放銃首鎧中鉛幾危僅得免難波戰記松榮紀事千貫櫓以下據前車後語集大久保內記成堯相摸守忠鄰第五子大久保家譜曰成堯亦為外祖父石川家成所養冒石川氏氏斬敵二騎力戰而死利光騎兵死者幾五十人然大兵競進遂破城柵克之凡獲三千二百級德川記慶元記難波戰記松榮紀事神

祖下令麾下之士出自平岡南戰於天王寺前石川嘉右衛門重之以為迂遠策馬直由平岡過玉造口東門入城與佐佐十左衛門戰於櫻門前斬之十左衛門從兵來救重之又斬之出自正門獻其首神祖壯之而責其違令黜之終以此廢難波戰記松榮紀事嘉右衛門更稱左近名曰字丈山隱居東山藪里號六六山人以字行以詩名世小笠原秀政深恥不擊木村主計頭而榊原康勝專其功本多忠朝其姻戚也秀政之妻及忠朝兄忠政之妻皆故世子信康之女也故為親戚其夜秀政來忠朝之營謂之曰明日之戰吾必決死忠朝曰吾亦有所恥去歲陣玉造口東有河流前有水田不得進請易陣營大御所謂本多佐渡守曰彼不似其父彼父不嫌地之險易吾聞

是言深以為恥。決死久矣。二人定約別去。信州松本城為東山道之樞要。故去歲使秀政守之。長子忠脩攻大阪城。今年忠脩代秀政守藩。憾其不得攻城。潛出松本。至秀政之營。自揣犯命負罪。亦決必死。難波戰記。松榮紀事。○難波戰記曰。其未下。潛出松本。父秀政實所不知。懼其咎責。就本多正信謝之。神祖雖不罪之。而不許謁見。故忠脩畏罪。決志必死。關原之戰。忠朝斬敵著勇。神祖賞之。封於上總。大多喜。至是有是言。頗有所由。忠朝每至駿府。獻大魚。執政謂忠朝曰。卿封佳。神祖愛之。一日。忠朝至駿府。獻醢魚。執政謂忠朝曰。卿封內所產蠟燭。大御所每稱之。宜代以蠟燭。忠朝曰。倉卒間不得辨之。奈何。本多正純曰。以少府所藏易之。忠朝從之。其夜然所獻蠟燭。其製麤惡。蠟流如油。神祖不知其故。謂近習曰。彼父中務。不特武勇。至細事。善用。心何其不肖也。去歲又有欲易陣營之事。故忠朝恥之。城將毛利勝永兵五千餘騎。陣于安倍野。淺井周防守。竹田榮應陣于其前。

松榮紀事曰。勝永陣于天王寺之南門。家忠日記曰。陣于安倍野。按天王寺南門。即安倍野地也。豐前小倉福聚寺住持僧法雲所撰。小笠原忠真碑文。亦作阿邊野。今據之。難波戰記曰。福島伊豫守。福島兵部少輔。中島式部少輔。堀田圖書助。植島玄蕃頭等。從勝永。總二萬餘騎。今從松榮紀事。忠朝僅率部下之兵。進與勝永前鋒。五百騎鬪。縱橫奮擊。忠朝後軍及屬兵。真田信吉。松下重綱。淺野長重。馳欲援之。勝永子式部少輔橫擊斷之。忠朝膂力邁人。決志必死。親斬敵七八騎。難波戰記曰。八角鐵棍敵幾二十人。今從冬夏事記。松榮紀事。○冬夏事記曰。出雲守單騎赴敵。步兵二十人。唯大屋作左衛門一騎從之。出雲守見小野勘解由之危。命救之。步兵半死。傷毛利豐前守部兵。進擊之。出雲守馬上揮槍斃敵二人。豐前守鎗卒。放鎗洞其腹。出雲守拔刀下馬。手斬鎗卒。左手提鐵鼻戾。右手揮刀斬七八人。不唯中鎗。被二十餘創。遂戰死。難波戰記。夸張其事。冬夏事記。疑得其實也。勝永呼曰。此部將也。不可縱。其兵百餘人齊進。

合擊。忠朝之兵小野勘解由進救之。敵兵攢槍刺殺之。大屋作左衛門亦死。忠朝血戰不止。遂死之。秀賴步卒隊將雨森

三右衛門獲其首。白杵七兵衛。加藤忠左衛門。中根權兵衛。

山崎半右衛門。大原長五郎。青山五左衛門。石川半彌。村越

茂兵衛。藤平治衛門。浪花戰記藤平作藤井。今從下諸書及本多家譜。土橋加兵衛。

土屋太郎八稻毛一郎。兵衛等皆戰死。大原物右衛門。○按

三年一言阪之戰。本多忠勝之士。大原物右衛門善戰有名。即其人歟。或其子乎。未詳。窪田傳十郎。柳

田左馬允。石川金彌。近藤五郎右衛門。小森助左衛門。門田

治大夫。杉浦黑右衛門。河崎一右衛門。宇佐美小右衛門。內

藤五郎作等。德川記慶元記。冬夏事記。窪田傳十郎。大原物右衛門。山本只右衛門。柳田左馬允。小鹿主

馬五人。據浪花戰記。亂平賜感書。止此。五人故。三書舉之也。今從難波戰記。善戰被創。部曲獲敵

首七十四級。保科甚四郎正貞。從忠朝苦戰被傷。難波戰記。松榮紀事。

正貞彈正忠直第三子。襲稱彈正忠。○難波戰記曰。忠朝率兵入京師。過勢多橋。有人奴隸二三人。待忠朝至。謂之曰。

我保科甚四郎也。失家兄之意。蒙譴。潛來願備隊伍。忠朝下馬謝曰。吾有所思。願屬佗隊。正貞曰。吾亦揣君之所思。故如

此。忠朝不得已。與之俱。給步卒十人。器仗鞍馬。至是力戰。被創。冬夏事記曰。小笠原信濃守單騎陷陣。甚四郎欲救之。馳

入敵陣。敵兵放銃傷右脅。槍中其額。又傷股。甚四郎墜馬。近臣九郎太郎力戰捍敵。呼其宰監物使救。主人遂戰死。甚四郎

郎揮槍斃敵。又被創幾死。從兵來救。僅免。失監物九郎太郎之姓氏。據難波戰記。則以從本多忠朝而戰為是。附以備考。

初忠朝陷陣。松平康長遣使請援之。忠朝報曰。不須援。吾死任君意。遂戰死。康長與毛利勝永相當。揮槍突戰。身被數創。從兵戰死九人。康長幾不免。其臣近藤兵右衛門來救。僅得

脫內藤忠興亦與勝永戰手斬敵四人獻級麾下神祖大將軍勞之曰帶刀年尚少武功不忝其父祖也

松榮紀事以康長忠興力戰係

下文岡山之戰蓋誤今從慶元記難波戰記冬夏事記○慶元記曰內藤帶刀與松平丹波守相竝而陣丹波守來于帶刀之陣曰敵不急戰似待日暮東軍不諳地形夜戰必危前軍諸將何不發銃矢耶戰非即今宜來吾陣喫茶帶刀留其部兵從士僅十人至丹波守之陣前軍既鬪帶刀歸吾陣前軍敗走遮路不得過毛利豐前守乘勝馳逐帶刀從兵五騎步兵二人與豐前守戰帶刀對敵九人斬其四人時年二十三頗有膂力從士皆健鬪既而部兵來援豐前守引去帶刀獻首麾下兩御所勞之云云父政長十六歲時長湫之戰有功祖家長庚午之亂死于伏見城故兩御所云然後賞其功先于家督賜小笠原秀政率騎兵三千與二子忠脩忠政鼓行而進擊竹田榮應一戰破之進與大野治長戰毛利勝永急提勁兵橫擊之秀政馬上揮槍馳突殺敵數騎重創而仆

從兵金子某死之

浪花戰記曰竹田榮應陣于天王寺東門毛利豐前守馳使曰張陣甚進敵彌滿

南北直攻東門則拒之必難不如少退榮應然之引兵少却秀政父子見之以為敵退走進擊之城兵素張陣鶴翼便于橫擊秀政之兵在其圍中毛利式部少輔忠脩不知父死亦結城權之助左右合擊故秀政父子大敗

提槍健鬪所向披靡敵又合圍擊之忠脩奮戰竟死

浪花戰記曰

忠脩從兵二十餘人與敵兵淺井周防守真田從兵原四郎

采女正福島伊豫守吉田玄蕃允等千餘人鬪

兵衛收其屍小笠原主水征矢半彌死之二木勘右衛門島立內膳巖波某等二十餘人前後戰死從兵扶秀政歸營

德川

記慶元記難波戰記松榮紀事忠政時年十八聞父兄死傷決意同死直馳

出敵陣後澁田見縫殿

澁田見諸書皆作澁谷唯慶元記作澁田見國音相近而慶元記得其實

今從安積覺兵衛正信

○安積諸書皆作淺香按淺香本貫近江安積陸奧臣覺祖先實與州安

積郡人故臣父貞。唯二人從之。前途無敵。顧其後則戰塵蔽

天。二人謂忠政曰。戰正在後。宜回馬。忠政曰。何為其然。須直

進入城。益馳馬。果與城兵遇。忠政馬上刺擊。奮勇突戰。被創

七。小笠原忠真碑文曰。身被大創者七。小疵無算。今據之。敵騎搏忠政墮馬。幾危。縫殿

進斬敵騎得免。忠政失馬。倉猝間。正信斬敵騎。取其馬。扶忠

政而乘之。既而部兵來救。敵亦引去。神祖大將軍歎惜秀政

忠脩之死。稱忠政之勇。○浪花戰記曰。敵兵五六騎。迎擊忠政。中有一人。與忠政相搏。克之。將取

首。縫殿馳至。斬敵救之。覺兵衛力戰。却敵。忠政猶欲進。鬪二人。強扶之。而歸。松榮紀事曰。忠政遇城兵數十人。下馬執短

刀力戰。敵以為此部將也。競入墮中。擊之。忠政苦戰。幾死。云云。

德川記。慶元記。難波戰記。浪花戰記。等書。竝無忠政墮墮事。據忠真碑文。阿邊野道路前有坑。塹。竹田榮應等當塹而拒。

蓋墮塹中也。併附以備考。○先臣佐宗淳批德川記曰。正

信斬敵取其馬。使忠真乘之。以歸。忠真賜其鞍。鑑於正信自

誌其事於鞍橋。而授之。正信傳為家寶。後有故而去。仕水戶

威公。臣覺按諸書。無正信取馬事。而鞍鑑傳在臣家。忠真之

宰。小笠原伯耆正吉。證書見存。故毛利勝永破本多忠朝小

笠原秀政之軍。乘勝鼓行。欲逼麾下。前軍秋田實季。松平忠

政。松下重綱。立花宗茂。真田信吉。其弟信政。淺野長重。仙石

忠政。植村康明。本多正純。及弟忠純。日根野吉明等拒之。忠

純挺衆先進。一戰敗退。日過午。兩軍鏖戰。聲震天地。互有勝

負。我軍誤放鳥銃。後軍有訛言。頗騷擾。敗走。○難波戰記曰。立花宗茂使銃

卒連放銃。橫擊之。敵兵不能進。我軍訛言有內應者。故敗走。一本戰記曰。本多上野介之卒。誤放銃。冬夏事記曰。有瘞火

自爆。我軍驚駭。慶元記曰。無故而敗走。松榮紀事曰。我軍誤放鳥銃。諸說紛紜。未知孰是。冬夏事記載一說曰。敵兵棄篋

於庚申堂前營中本多上野介松平右衛門大夫之兵奪之相爭至放鳥銃神祖馬前卒誤為敵之所放四五百人一時驚駭走至神祖馬前後軍亦驚走神祖大怒此與一本戰記本多正純之兵誤放銃之說合蓋得其實也永井直勝板倉重昌走馬止之駒井右京親直駒木根長二郎亦來

與重昌禁遏敗兵本多正信植村家政松平正久秋元泰朝內藤掃部等護神祖麾下堅陣不動德川記慶元記難波戰記松榮紀事阿部

正吉據小丘橫槍待敵小幡景憲亦來于此○據難波戰記先是景憲在城中為反間至是出城也永井直勝巡諸軍使還擊之敵鋒甚銳

稻垣重綱橫擊破之親斬甲士獲級部曲獲三十級堀伊賀守難波戰記曰後為大番頭更稱東市正蒙譴潛在松平忠明之陣力戰獲二

級部曲七級竟釋其罪而褒賞之神原康勝進至天王寺多

獲首級本多忠政數與敵戰破之獲二百八十級忠政第三子忠義時十四歲後任能登守致仕剃髮號鈍齊手斬大村彌一右衛門獲

級神祖褒之松平忠明獲六十級淺野長重力戰獲級慶元波戰記○難波戰記曰淺野采女正之兵牧野金彌獲首級

一山城半左衛門亦提首來金彌見之曰我所取首第二也何則我在第二軍近本屯故來蚤半左衛門在前軍距本屯頗遠故來遲采女正褒其能讓定其功曰前軍第一半左衛

門後軍第一金彌又有類之者六日道明寺之戰松平政宗之兵蒲生仁兵衛獲首第一步兵亦提首來仁兵衛見之曰

我第二也何則我騎彼步遲速不同步兵聞之曰步騎不足論當以先到本屯者為第一政宗聞而嘉之曰馬上第一蒲生仁兵衛步兵第一功鈴木重好屬本多正信之隊為後拒進

關斬二級鈴木重好傳○本書曰正信以聞因拜謁神祖大將軍命為上總介忠輝之臣明年忠輝有罪被謫重好退為散人無幾舉神祖陣前有小壘命帳下士下馬屈為水戶賴房卿之臣

膝攢槍以待之。然敵終不來。此本多忠朝。小笠原忠脩之兵。與忠朝忠脩之尸而過。神祖憫其忠烈。遣使小笠原秀政之營。問其傷夷。秀政氣息纒屬。問從兵曰。信濃如何。對曰。戰死。泣下數行。抵暮遂瞑。兼松彌五左衛門正直。又四郎正吉第二子。被重創。扶人而過。神祖稱其能繩父祖之武也。德川記慶元記難波戰記松榮紀事。松平利光前軍隊將山崎間齊。本多政重。西鄉若狹守。村井飛驒。篠原出羽。津田和泉。進攻岡山。敵將大野治房擊破之。退走十餘町。至稻荷前。還戰。敗城兵。逐北至玉造口東門。城兵北村五助投火藥箱於門外。放火箭。利光之兵不堪焦燬。退而復進。治房及大野道見。內藤宮內少輔等銳兵直衝大

將軍之麾下。我軍披靡。大將軍執槍欲馳入敵陣。安藤重信

扣馬諫之。

德川記冬夏事記。○牛込系圖曰。天王寺之戰前。四郎左衛門逸見市之丞。武藤甚五兵衛。石丸六兵衛。六人

攻擊不敢退。及凱旋定麾下之士勇怯之狀。六人證之。附以備考。本多忠純。加藤嘉明。黑田長政。馳至護麾下。三枝平右衛門。進立旌旗。敗兵又振。

冬夏事記。大番書院番六隊之士。及酒井

忠世。酒井家次。本多康俊。遠藤慶隆。本多康重等進戰。敵將

大野治長。毛利勝永。及七隊長。東西數萬騎。相與接戰。土井

利勝前鋒敗走。利勝在大將軍前。出禁敗兵。督戰破敵。斬九

十八級。慶元記一本難波戰記。並曰。酒井忠世使其子阿波

兵於佐久間備前守安政父子。本多正純使其子出羽守正勝將兵。以立花左近將監宗茂為副。而忠世利勝正純皆在

三人為副而指授方略下令忠世陣于利勝之後攻戰亦亞
于利勝興元進而陣于利勝之右安政父子不喜曰玄蕃頭
違令興元如不聞安政怒遣使麾下訴之利勝告忠世忠世
大駭馳謂興元曰令既下不得容私宜陣于大炊頭之後興
元曰不然先陣二陣非必謂其前後在敵與地之形勢先陣
列左二陣列右非無其例唯以合戰前後定為先陣二陣大
炊頭之兵未戰則不許此兵一人出戰然則非違軍令請今
觀之前軍果敗安政父子禁之不用命悉敗走興元按兵不
動視機而進使忠行擊敵部兵皆有戰功興元亦揮槍獲級
時人稱之○按浪花戰記以茶臼山天王寺口之戰係七日
岡山敵將以下至城陷係八日題曰二九攻皆諸書所無蓋
杜撰也鳥居成次安藤直次牧野内匠頭信成永井尚政井
上正就藤田忠季成田左馬助等爭進力戰阪部作十郎勝
宣戰死兩軍戰酣我兵進則彼兵退彼兵進則我兵退進退
移時雌雄未決松榮紀事監使安藤正次傳命松平利光之宰本

浦野銀次郎刺

多政重令進兵衆餒不能前敵兵六七千來鬪正次厲衆單
騎奮戰斬敵重創扶來行營白軍事而歸平野之營神祖屢
遣使勞問使醫療之難波戰記鷲峰文集安藤正次碑本多忠純日根野吉
明獲數級難波戰記水野忠清青山忠俊隊伍之士互爭勇忠清
先進部兵松平勝次山口小平次重克梁田平七郎梁田平
十郎山崎助二郎戰死家忠日記水野田宮守重東野總右衛門
横田五郎三郎赤見猪右衛門天野佐左衛門雄得川口茂
右衛門宗重花房右馬助正榮三木十兵衛近綱本郷莊右
衛門勝吉堀田勘左衛門正利齊藤左源太利政善戰獲級
慶元記詳載從軍諸侯及麾下諸士有戰功者姓名今不一舉之觀者併考松平山城守忠國從

父信吉奮鬪獲甲首大將軍褒之家紀功碑系圖松平莊九

郎忠一力戰超衆挺身據鞍大呼自名奮勇而死時年二十

六家忠日記松榮紀事忠一主殿頭家忠子忠利弟○驚峰文集深溝本光寺碑曰忠一謂同僚及從者曰大阪必破

天下可復無兵革今不激勵更期何時且家兄忠利雖請前鋒官命不允我幸屬麾下前隊可必先登以見父祖于地下

果如其言人皆憐惜之青山忠俊競進奮鬪部兵中根傳七

以爲有家世之餘烈難波戰記作玄蕃允郎正成苦戰重創大久保四郎左衛門曰凱旋後賞其功增

采邑爲駿府城代九十餘歲卒按相摸守忠鄰弟忠成爲玄蕃頭其孫忠兼亦稱四郎左衛門玄蕃頭以年壽推之蓋忠

成也松榮紀事作四郎左衛門今從之今村傳四郎正長松前隼人土方宇右

衛門勝直安藤傳十郎定智大久保牛之助長重大久保源

三郎忠知井戸左馬助良弘朝比奈彌一泰澄溝口半右衛

門重長城織部信茂等健鬪各有斬獲大島左大夫光盛別

所主水古田左近服部三十郎松倉藏人戰死難波戰記曰

門佐野介左衛門以下各有戰功青山刑部左衛門以下戰死十八人今從家忠日記松榮紀事野一色賴

母助義謂忠俊曰吾祖先戰歿于此吾亦繼之言畢赴陣而

死難波戰記○按助義襲賴母父賴母慶長五年八月戰死笠縫堤蓋信長公攻本願寺教如于大阪城助義祖父

戰死于此忠俊部曲凡獲三十級難波戰記大阪首帳○

世同死也士島田總五郎獲首第一伊與田與四右衛門亦獲首與總

五郎爭一二忠俊諭與四右衛門曰總五郎年少提首來蚤

又其首著鑿蝨汝所獲首非著鑿蝨者不宜與彼爭功與四

右衛門曰取首何難不足相爭又馳入敵陣果斬著鑿蝨者

提首而來忠俊大賞之先是青山幸成蒙譴屏居潛在軍中斬敵使從

士提其首凡獲四級獻之麾下大將軍覽之褒其功而釋其

罪。難波戰記松平定綱諭部兵。以道路迂直。亟至城門。定綱

躬自奮擊。有斬獲之功。其弟定真亦力戰獲級。部兵戶田藤

五郎重宗。跡部民部少輔良保。駒井右京親直。駒井二郎左

衛門昌保。皆有戰功。高木正次率部兵力鬪。渡邊六左衛門。

金田總八郎正吉。高木忠右衛門為信等被創。松榮紀事大岡忠

四郎忠行。米倉小傳次義繼。林藤四郎吉正。間宮莊五郎正

秀。筒井甚之助戰死。家忠日記高木正次子善二郎正成。在

青山忠俊部下。亦善戰。被傷。城兵頗乘勢競進。兩軍雜糅。阿

部正次告衆曰。我軍經長途。面黑。鎧甲污弊。城兵面白甲鮮。

以此為驗。擊之。自揮槍殺敵三人。敗兵遮道。其子修理亮正

澄不得進。飛馬高岸可一丈。人馬相分。正澄驍勇。復騎陷陣。

擊敵獲級。部兵坪内五郎左衛門秀定獲級第一。正次部曲

凡獲八十三級。難波戰記酒井忠世三十級。佐久間勝之十

級。井上正就六級。鳥居成次與野野村吉安戰。喪十三騎。獲

二十八級。難波戰記安藤重信授其兵於長子勝藏重長。任伊勢

京進在大將軍左右。指揮士卒。驅馳前後。重長奮鬪獲級。安藤

松榮紀事先是小幡景憲請入大阪城為間諜於松平定勝板倉

勝重。二人許之。遂入城。密報城將之謀。至是景憲出城。在麾

下力戰。小幡道牛事歷○據道牛事歷及當時記載。景憲二

于諸部之士。田中主殿。川口長三郎。八木勘十郎。宗直。稻垣

藤七郎重大。土屋左門知貞。彦阪平六郎。安藤與八郎。石谷

十藏貞清。據鷲峰文集石谷叟行狀舊西鄉氏貞清祖政清更今氏父清定貞清其第三子也為左近將監致

仕難髮號土入。小栗平吉久玄。中山助九郎。荒品孫九郎。本多正勝。

屋代勝永久。世廣宣。間宮權左衛門等。及監使中山照守。山

田重利。皆有斬獲之功。松榮成瀨藤藏之成。獲二級。成瀨系圖之成

隼人正正成第二子後尾張宰相義直前鋒稍却。成瀨正成。叙從五位下任伊豆守

渡邊守綱。整陣厲衆。反擊有功。難波初神祖使井伊直孝。藤

堂高虎。屯幕府左右。以備緩急。毛利勝永追擊本多忠朝。敗

兵於天王寺前。直進而來。我軍少却。大野治長放銃雨注。兩

將不顧死傷。橫擊出勝永之陣後。勝永引兵退。兩將乘勝逐

北。敵將青木駿河守。真野宗信。迎擊破之。高虎兵敗。安藤彦

四郎重能戰死。重能帶刀直次子。○冬夏事記曰。是日安藤

四郎戰死。從士問如何措置其屍。帶直孝秉白菴大呼。衆皆

應聲騰赴。我軍復振。冬夏事記。松榮紀事。細川忠興兵衆皆在海上。未

上陸。僅率麾下之兵二三百騎。與堀田正高。真野宗信。野野

村吉安。伊東長次。戰破之。細川家傳錄曰。忠興與藤堂高虎

茶白山馳下。與高虎先鋒接戰。高虎兵敗退。罷忠興軍。忠興

察機不動。少焉進兵。馳突。東軍齊進。奮戰。移刻。城兵遂敗。潰

而不書。敵將為誰。按茶白山之敵將。真田信仍也。其兵不至

七八萬。而高虎兵敗。實在此時。難波戰記。冬夏事記。皆係于

此。雖家傳之說。亦恐有繆誤。冬夏事記。書俄秀賴遣使召還

敵將四人。且詳載忠興鬪士姓名。今從之。

大野治長。速水守久。於城中議軍事。二人旗幟從之。敵兵以

為城中有變相顧驚擾我軍乘之進擊大破之

難波戰記以秀賴召還治

長守久係上文治長與真田信仍定計下二本戰京極忠高

京極高智石川忠總由平瀨森口進軍備前島松平乘壽陣

于森口松榮紀事○冬夏事記曰搦手大將京極若狹守京

前有溝塹若狹守遣使主殿頭曰須前溝塹而陣主殿頭怒

曰今將攻敵鳥可避險而不進哉遣使再三強之京極叔姪

不聽主殿頭曰然則吾先超溝塹可使步卒放銃京極叔姪

不得已超溝塹立柵堤上而陣主殿頭陣于堤下圍城兵

出備前島片原町主殿頭之兵上堤陣于京極叔姪之後中

黑彌兵衛謂眾曰京極殿兵寡必為敵所乘來歷我陣則取

敗則橫擊之主殿頭然之皆令下堤陣于故地城兵果充滿

堤上作勢而來京極之兵不能越柵而進主殿頭乘旄麾眾

超京極之陣進擊大破之城兵潰走主殿頭遂取片原町京

極雖為前軍反為松平利隆進自海路扼天滿中島守令不

後軍附以備考

敢進聞城南敵兵敗走前軍池田出羽伊木長門直進涉川

利隆率後軍薄城門斬敗兵六百五十餘級慶元東西大軍

爭進逼城秀賴庖人大隅與左衛門密通款於東軍及戰酣

縱火庖厨暴風歟起大厦峻宇一時灰燼煙燄蔽天難波戰

原久俊自記竝曰越前少將忠直破茶臼山之敵乘勢入城

本多飛彈守之兵小笠原忠兵衛縱火第一亂平論其功賜

采地一千石按久俊縱火外城而牙城之火實與左衛門之

所為也德川記亦云郭內火起餘焰及殿閣但冬夏事記大

隅與左衛門作佐佐孫助初秀賴欲出天王寺口列旌旗至

櫻門大野治長以與真田信仍定約來止之曰請臣出察形

勢乃馳去秀賴據胡床待之治長歸報前軍戰敗信仍效死

真田大助亦來告信仍遺命眾皆失色秀賴曰一死素所期

也將出戰。速水守久諫曰：前軍崩潰，填塞道路，今雖出戰，豈

可得志。不如還守牙城。力窮則死，事未晚也。秀賴從之。德川

元記難波戰諸將見城中火起，爭進攻之。縱火各所。城兵不

能拒，城遂陷。郡良列、津川左近、擊秀賴、旌旗及金瓢馬標於

千疊敷牀上曰：臣等義當死於城外。然公上旗幟，不可為敵

人所得。故今還上之。冬夏事記松榮紀事作良列一人按金

難波戰記良列謂速水守久曰：去冬藤堂和泉守營於天王寺，孤

軍無後繼，吾欲詰且擊之。而君輩無謀，不用吾言。雖言之無

益，而至今為憾也。德川記慶元脫甲置其保侶於牀上曰：奉

還先君良列太閤黃保侶之士也。故云然。既而獨言曰：一死

以報積年之深恩，遂自殺。其子兵藏亦自殺。德川記慶元記

紀事兵藏之死據冬夏事記○慶元記難波戰記冬夏事記

並曰：主馬將自殺，使家士介錯，遺言曰：當貽此短刀於黑田

甲斐守，據浪花戰記。良列欲得此刀，巧求。時人稱良列之義

烈比之安東聖秀云。東照宮遺訓真野宗信、中島氏種、成田兵藏

相踵自殺。堀田正高、野野村吉安戰城南，欲入城門，而火熾

不得入，竝坐牙城石壁而自殺。德川記慶元記難波戰記

村伊豫守自殺于二九橋上堀田圖書歸家殺妻子欲入牙

城出玄關加賀之兵亂入圖書與堀田平右衛門接槍鬪于

式臺互傷而仆平右衛門起按圖書問其姓名答曰堀田圖書

平右衛門亦數日而死以在遠邦互不相識故及之此又一

說也又曰伊藤丹後守俄叛秀賴歸家放鳥銃諸書所不載

併附考大野治房、仙石宗也逸去。冬夏事記秀賴與大虞院登殿守

將自裁。速水守久遽止之曰：勝敗兵家之常，請少待之。秀賴

從之。移自月見樓登東櫓。德川記：難波戰記，冬夏事記並云：速水甲斐守諫秀賴曰：前軍雖敗，

後軍制勝，此兵之常也。按此時前後軍皆崩潰，豈有此理？今從松榮紀事。道明寺之戰，渡邊尚重

創行步不便，提二子來于千疊敷自殺。其母正榮亦自殺。德川

記：慶元記、難波戰記、冬夏事記。大野治長欲救急難，從秀賴及大虞院於山

莊土庫。速水守久、毛利勝永從之。火勢益猛，城郭焦土，數萬

軍士或鬪死或自殺，或逃走，或焚溺水火而死。我軍所獲凡

一萬四千五百三十餘級。慶元記作一萬四千餘級，元寬日錄一萬八千八百六十四級，冬夏

事記一萬三千餘級，大阪首帳一萬四千三百八十九級，今從家忠日記、松榮紀事、家忠日記曰：伊東右馬允、永田善左

衛門檢之。是夜，神祖屯茶臼山。大將軍屯岡山。家忠日記、德川記、慶元記、難波戰記。

松榮紀事。是日，刑部卿局扶秀賴夫人，城兵堀內主水導之，出在

城東隍上。阪崎孝親得之，護送茶臼山行營。難波戰記曰：大野治長欲使夫

人請秀賴母子之命，故出之。今從慶元記、大阪記。神祖名本多忠政，弔其弟忠朝戰

死而悼惜之，使忠政與忠朝從兵五人感書。難波戰記、松榮紀事、五人姓名

在上。遣使小笠原忠政之營，問其重創，褒父兄之戰死。難波戰記、

松榮紀事。福島正勝。冬夏事記作備後守忠清，誤注于上文。慶長十九年。淺野長晟、松平至

鎮，各將其兵抵暮馳至城，既陷，至行營賀大捷。冬夏事記。八日，大

將軍聞秀賴猶存，使安藤重信詞察其狀。井伊直孝本多正

純、阿部正次圍守土庫。冬夏事記：直孝、正純、正次三人作近藤石見守，片桐東市正二人，今從難

波戰記、松榮紀事。大野治長、速水守久請重信曰：諸士皆當自殺，願

全右府母子之命。神祖使加賀瓜忠澄豐島刑部諭治長勿

使秀賴母子死錄送所從庫中兵士姓名命片桐且元從櫓

上名二位局諭大虞院難波戰記又使直孝諭秀賴曰爭戰

既罷無復可言太閤以來舊好難忘將給郡邑以為湯沐之

資宜出來此守久傳命冬夏事記○本書曰速水甲斐守語

日以父命入城欲與右府共死衆曉譬之真田新進客將而

非舊臣不必與右府同存亡舊臣蒙恩者亦多逸去子宜出

城大助不聽曰與右府同死先人所命必不肯出庫中紛擾

不欲與衆雜處乃出庭上席藁而坐自昨午時至今不食決

志必死云既而治長守久報曰右府母子當奉鈞命然難徒步請

輿而迎之往復間直孝重信正次相謀曰事既如此秀賴生

存則必有後患不如攻殺之乃發鳥銃治長守久知事不濟

放火庫中秀賴自殺毛利勝永介錯時年二十三。大虞院使

人殺己德川記難波戰記並曰萩野道喜殺淀殿慶元記曰

時年三十九○年譜附尾曰秀賴法號嵩陽院難波戰記浪

花戰記並曰庫中屍骸皆焚秀賴之屍不可辨別秀賴常所

帶名刀骨啄不燒在其側以此知其為秀賴也駿府記曰骨

啄刀治工吉光所造長一尺九寸五分本阿彌又三郎見得

獻之。大將軍按太平記足利尊氏大野治長其子治德○按

十二月治德出為質其後諸書無速水守久其子出來麻呂

還之文而在殉死之列未詳德川記冬夏事記作子長

駿府記曰毛利勝永其弟勘解由門守元寬日錄松榮紀事

亦作長門守真田大助津川左近萩野道喜氏家內膳行廣

今從駿府記堀對馬守伊藤武藏守成田左吉森島長以竹田榮應

五年冬夏事記長以作長次郎佐久間系圖七日天王寺之戰

○冬夏事記長以作長次郎佐久間系圖七日天王寺之戰

佐久間大膳亮勝之擊竹田榮應獲其首今茲從下諸書

加藤彌平大夫。高橋半三郎。高橋十三郎。駿府記曰。半三郎年十五。十三郎年

三。土肥勝五郎。寺尾藤右衛門。片岡十右衛門。埴原八藏。埴

原三十郎。小室茂兵衛。中高將監。駿府記曰。淺井周防守。中高三郎

等。二十餘人殉死。德川記載別所孫右衛門。總二十六人。而注

出城不在殉死之數。慶元記亦云二十八人。而所書止二十

二人。家忠日記大阪記亦二十二。冬夏事記二十五人。駿

府記二十四人。諸書不同。松榮紀事作二十餘人。今從之。大藏卿。右京大夫。宮內卿。和期

局。饗庭局。玉局亦同死。駿府記曰。和期局。伊勢國司親族。玉

為木村重成母誤。重成母右京大夫。而秀賴之乳母也。冬夏

事記載睦局為七人。今從德川記。慶元記。松榮紀事。伊勢

系圖曰。伊勢伊勢守貞能之女阿古局。為淀殿大上臈。甚被

親任。是時同死。和期阿古國音相近。蓋一人。而駿府記誤以

伊勢氏為伊勢國司也。京極備前守。今木源右衛門。別所孫右衛門。為

使出城。冬夏事記曰。初淀殿與秀賴。自月見樓遷于土庫

遣于行營。人不知其故。而云源右衛門。二位局被召來于行

孫右衛門亦為使出城。蓋再遣使也。營。青木一重。幽于京師。故皆得不死。家忠日記。德川記。慶元

○難波戰。記載村越道半。說曰。伊東丹後守。青木民部少輔

二人。使板倉伊賀守。幽之。故今夏之戰。二人不在城中。按是

春青木一重一人。使于駿府。見上。大將軍謁見行營。謝曰。去

年今年。大人親將。故得大捷。神祖諭曰。自今宜益厲精施政。

三年間。免天下諸大名修繕江戶城徭役。創業神祖入櫻門。

俟秀賴至。并伊直孝。本多正純。來告自殺之狀。神祖頗憫之。

難波是日。神祖還二條城。冬夏事記曰。神祖潛發茶臼山。唯

出京橋。命曰。大戰之後。必有大雨。須趣駕。時天晴。從者皆怪

之。至森口。天陰。至平瀨。大雨如注。夜二更到二條城。內膳敲

烈祖戰績 卷之三 二十三

門伊賀守大驚。九日大將軍發岡山還伏見城。家譜創業記

川記難波戰尾張宰相義直遠江宰相賴宣從而歸。創業記

事記曰初大阪城陷茶臼山下有敵四五百人神祖欲令兩

卿擊之遣使召之既而敵引去後于事機兩卿至行營賴宣

不得戰此終身之憾也松平右衛門大夫在側曰公子年少

不知此後幾益戰場勿以為憾賴宣卿作色叱曰賴宣可再

有十四歲之時乎神祖聞之曰即此一言與今日接戰之功

等時人皆稱之。大將軍使阿部正次守天王寺口青山忠俊玉造口。

水野忠晴青屋口高木正次京橋口各率隊下士警衛。家忠

曰使水野忠清青山忠俊內藤若狹守松平定綱守。又使正

次忠俊及安藤重信監城墟金銀。駿府是日從軍諸將至二

條及伏見城賀千戈既戢四海寧謐。難波戰記松榮紀事令西國中國

之兵士屯大阪城墟限一百日以備灑掃焦土。冬夏事記本

諸將來賀。十日淺野長晟松平至鎮生駒一正松平忠雄至

置于此。二條城謁見神祖褒長晟信達之功許其臣上田重安龜田

高綱多胡助左衛門安井喜內岸九兵衛等謁見面勞其戰

功至伏見謁大將軍亦如此。駿府記德川十一日蜂須賀達

庵使者長阪三郎左衛門禽長曾我部盛親及其臣中內總

右衛門於八幡村里獻之賜黃金一百兩於三郎左衛門。年

創業記家忠日記元寬日錄冬夏事記。○浪花戰記曰七日

秀賴使盛親守京極只是日城兵戰敗老弱終夜逃亡盛親

不能禁其子右衛門太郎年十三中夜逃出盛親不能割愛

亦走出城欲歸土佐道路擁塞不能達匿於八幡村里蘆葦

叢中有人告之伏見松平隱岐守設計捕之右衛門太郎走

至良岑被捕與此異冬夏事記曰右衛門太郎總右衛門同

盛親被補蓋是日遣高力忠房於大和搜捕大阪餘黨大和終言之也

諸將桑原貞晴別所孫二郎松倉重正副之高木正次山田

重利為監使松榮紀事十二日京極忠高捕秀賴女子獻之時七

歲駿府記○大阪記曰使秀賴夫人天樹院子養之浪花戰記曰使為松崎上人之弟子為練行尼十四日

大和諸將上城兵逃走者首六百餘級駿府有人告大阪町

奉行水原石見守匿二條街市藤堂高虎遣兵捕之石見守

逆鬪殺三人而死駿府松榮紀事十五日戮長曾我部盛親梟其

首於三條河原難波戰記浪花戰記係二十五日今從駿府記德川記慶元記松榮紀事○浪花戰記曰

盛親子右衛門太郎亦被誅但不梟首難波戰記曰中內梟總右衛門知名之士故松平至鎮固請神祖以為己臣梟

大阪黨與七十二人首於栗田口東寺側駿府是日松倉重

正之兵捕新宮重朝於和州五條重朝多力破柵械毀篋輿

折其手足貫竹筒於手指獻之京師難波戰記作紀州人捕之今從一本德川記抄

浪花戰記淺野長晟以其數誘土寇擾亂封疆請得而磔之其弟

堀內主水哀訴請命主水導刑部卿局扶秀賴夫人出之城

外以故宥重朝之死而放之名主水仕麾下一本德川記抄慶元記難波戰

記浪花戰記先是山川賢信北川宣勝匿八幡籠本坊家使秋元

泰朝索之二人聞泰朝至出走泰朝逮籠本坊而歸十七日

賢信來本能寺宣勝來知恩院請就死以赦籠本坊二寺告

之神祖義而不問幽二人于二寺難波十九日監使安藤正

次病創死難波戰記鷲峰文二十日小林田兵衛元次野間

金三郎捕大野道見獻之。德川記慶元記難波戰記浪花戰記並曰蜂須賀蓮菴使者長阪三郎左衛門捕道見而慶元記載一說曰三郎左衛門所捕非道見而事實頗詳而慶元記載一說曰三郎左衛門所捕非道見而長曾我部盛親也今從慶元記一說年譜附尾松榮紀事但元寬日錄係六月六日誤二十一日京師

人捕秀賴子國松麻呂於伏見獻之。創業記駿府記家忠日戰記松榮紀事○冬夏事記曰國松麻呂名秀勝元寬日錄曰秀賴妾成田五兵衛助近之女生國松憚關東之間使常高院養之及舉兵入城中城陷乳母抱之出走投一商人商家商人無妻子以乳母為妻國松為子絕不知其為秀賴之子有人告之京尹板倉伊賀守遂捕之浪花戰記曰大野主馬首護國松麻呂竊出城多齎金銀從者貪之殺治房奪金銀而去國松麻呂獨來伏見所捕二說未知孰是難波戰記曰諸書不書大野治房所終岡山之戰或戰死或逃亡未詳今按浪花戰記之二十三日殺之三條河原時八歲其傳田中

六左衛門同死。浪花戰記作六歲今從上諸書浪花戰記又云臨刑久世三四郎監之二十七

日館林城主榊原遠江守康勝卒年三十六。駿府記係是月十二日今從年譜家忠日記松榮紀事鷲峰文集榊原忠次碑是日神祖使高力忠房殺增田長盛庚午之亂長盛與其子宗重幽于武州巖築宗重入大阪城戰死平野故殺之。關原記大全本書舉一說曰神祖子被太閤之恩思想當欲與秀賴共患難須任子意入大阪城長盛謝曰內府仁君故有此命如他將則決所不能也然我今老憊不堪任事安得指麾新附之兵哉無益於事反傷太閤之明願終命于此神祖聞之曰亦任汝意及城陷謂左近曰老臣無復所期唯一死可以報國耳竟自殺按神祖縱宗重入城見上文不必以其故殺長盛疑一說得其實也二十八日大將軍召井伊直孝藤堂高虎賜金錘銀錘各二

賞其軍功。松榮紀事是日駿府言片桐東市正且元卒年六十。駿府記松榮紀事據德川記慶元記且元七日戰于岡山是月中

烈祖遺蹟 卷二十一 二十六

國西國四國諸將帥兵趨大阪塗聞城陷還兵各國入京師賀之慶元六月朔江戸地大震二日後藤光次從安藤重信

齋大阪城墟所沒金銀入京師黃金二萬八千六十枚白金

二萬四千枚五日島津家久謁見京師獻白金五百枚綾子

五十卷駿府細川興秋在大阪城數與我兵鬪神祖以忠興

功大欲減死罪一等忠興不奉命六日使興秋自殺細川家傳錄

八日使松平忠明守大阪城增封五萬石通前食十萬石駿府

記松榮紀事忠明勢州龜山城主舊封五萬石大阪敗亡之餘田野曠廢民戶凋弊

忠明蠲焦土瘞枯骨平郊壘正經界居數年農商安堵如故

松平忠明行狀十一日正古田織部正重然之罪賜自盡于伏見元寬

日錄係五月十三日誤今從駿府記松榮紀事十四日命酒井忠世土井利勝貽書

畿甸諸將搜索大阪黨與妻孥家忠日記十五日神祖入朝

年譜創業記家忠日記松榮紀事獻白金一千兩綿二百屯於後水尾天皇

白金五百兩綿一百屯於後陽成上皇中和門院及女御御不知為誰說見上文

贈白金二百兩綿三十屯於長橋局二十日大將軍來二條城謁神祖駿府記松榮紀事先是大野道見燒界津神

祠佛宇多罹兵燹界津市人請遵平重衡燒南都之例得而

甘心元寬日錄大阪記○按道見去年十一月燒天甲王寺伽藍灰燼不特今年燒界津其罪大矣二十七

日磔道見於界津政所長谷川藤廣監之元寬日錄係五日浪花戰記係二十

五日曰同長曾我部威親梟首今從駿府記難波戰記松榮紀事大野治氏治長之弟而治

房道見之兄也。為神祖之近習。及城陷。自殺于京師。使人揚言暴死。時人善之。難波戰記。本書不日。今以其事相類。置于此。二十八日。大將軍

來二條城。召松平忠雄。賜其兄忠繼舊封。備前國。食三十一

萬五千石。家忠日記。係七月二十日。元寬日記。係二年正月二十日。今從駿府記。松榮紀事。忠雄舊封淡路須

本六萬三千石。播磨赤穂郡於其弟巖松麻呂。佐用郡於其弟古七

郎。家忠日記。寬永系圖。據諸士傳略。巖松麻呂。輝政第五子。後稱右京大夫。名政綱。時七歲。古七郎。輝政第六子。後稱

右近大夫。名輝興。時五歲。閏月三日。飛驒高山城主金森出雲守可重卒。

子長門守重賴嗣。駿府記。寬永系圖。諸國城主記。但駿府記可重作正重。今訂之。四日。大將

軍賜淡路國於松平至鎮。以賞去年軍功。家忠日記。係七月二十日。今從駿府

紀事。松榮以本多忠朝舊封上總大多喜六萬石。賜本多甲斐

守政朝。十日。本多忠政率長子忠刻。次子政朝。謁神祖。謝新

封政朝。駿府記。松榮紀事。十六日。神祖以武家典故之書。授大將軍。

年譜。創業記。家忠日記。元寬日錄。松榮紀事。十七日。神祖召麾下諸士。究詰岡山

之戰奔敗之狀。正其勇怯。駿府記。難波戰記。若江之戰。藤田忠孝制

小笠原秀政。不使擊木村主計頭。神祖責其失機。放之。難波戰記。

冬夏事記。二書不日。今以其事相連。置于此。大將軍定麾下之士。戰功等差。勇怯

情實。群士多以阿部正次為證。正次戰功。神祖大將軍所親

見。故從其言。難波戰記。本書不日。亦以相類。置于此。○本書曰。大將軍賞阿部正次之功。增八千石。賜大多

喜城。通前食三萬石。按大多喜城所賜。本多政朝。見上文。故今闕疑。不書。十八日。增封井伊直孝

采邑五萬石。以賞冬夏戰功。通前食二十萬石。家忠日記。係十二月十一

且蓋據賜感書之日也。今從駿府記。松榮紀事。十九日。松平利光。松平政宗。並拜參

議。井伊直孝為侍從。淺野長晟。藤堂高虎。叙從四位下。利光

之臣。本多政重。橫山長知。叙從五位下。政重任安房守。長知

任山城守。駿府記。家忠日。記。松榮紀事。增封藤堂高虎。勢州采邑五萬石。

通前食二十七萬石。家忠日記。係十二。月十五日。說見上。大將軍賜高木貞宗

名刀。以賞冬夏戰功。家忠日記。高虎。行狀。松榮紀事。二十一日。大將軍入朝。

獻白金一萬兩於天皇。白金三千兩。綿五百屯於上皇。白金

一千兩。綿三百屯於女御。尾張宰相義直。遠江宰相賴宣。越

前宰相忠直。大崎宰相政宗。井伊侍從直孝。藤堂高虎。從駕。

吉良侍從義彌。持劍。松榮紀事。義彌。作義弘。今訂之。酒井家次。酒井忠世。土

井利勝。安藤重信。本多正勝。本多忠純。青山忠俊。內藤清次。

水野忠元。井上正就。酒井宮內大輔忠勝。神尾守世。青山幸

成。松平忠明。本多忠政。戶田氏鐵。扈從。是日。還伏見城。年譜。駿府

獲仙石宗也子於伯耆。戮之。梟其首。時十一歲。駿府記。松榮紀事。二十六日。

日。大將軍入二條城。謁神祖。召伶人觀舞樂。萬歲樂。延喜樂。陵王。納蘇利。太

平樂。拍鉞。散手。古德樂。拔頭。還城樂。長慶子。二十九日。狗行火賊。森宗喜於市。磔

之。駿府記。七月朔。饗公卿。列侯於二條城。作申樂。年譜。駿府記。家忠日記。松

榮紀事。神祖與大將軍議定武家法令十三條。以准貞永建武

之式目。七日。會列侯於伏見城。使本多正純諭告之。其一。文

烈祖所錄

武弓馬之道可專講習。目曰：左文右武，古之法也，不可不兼備矣。弓馬武家要樞也。號兵爲凶器，不得已而用之，治不忘亂，何不勵修鍊乎？其二：禁群飲佚遊。目曰：令條所載嚴制，殊重耽好色業博奕，是亡國之基也。其三：不可匿犯法度輩於國中。目曰：法者禮節之本也，以法歷理，不以理歷法，背法之輩，其罪不輕。其四：諸國大名小名及諸給人之士卒，有告謀逆及殺人者，可速逐之。目曰：挾野心者，爲覆國家之利器，絕人民之劔鋌，豈可允容乎？其五：自今以後，國人之外，不可雜置佗國之人。目曰：凡諸國其風各異，或以巴國之密事告佗國，或以佗國之密事告巴國，皆佞媚之萌芽也。其六：諸國修

繕城郭，必須上言，况新爲營構，嚴禁之。目曰：城過百雉，國之害也。峻壘浚隍，亂之本也。其七：有鄰國企新義，結徒黨者，可速上言。目曰：人皆有黨，而違者少，故或不順君父，或不容於鄉里，可不守舊制而妄企新義乎？其八：不可私締婚姻。目曰：婚者陰陽和同之道，不可輕易。睽曰：匪寇婚媾，志將通寇，則失時。桃夭曰：男女以正婚姻，以時。國無鰥民也。以婚成黨，姦謀之本也。其九：諸大名參勤之法。目曰：續日本紀制曰：不預公事，不得集已族。京裏二十騎以上，不得集行。然則不可引率多衆。百萬石以下，二十萬石以上，不可過二十騎。十萬石以下，可應其封祿，但供公役，可各隨其分。其十：衣裳之品，不

可混雜。目曰。君臣上下。可為各別。白綾白小袖。紫袷紫裏。練
 無紋小袖。無免許輩。不可濫著。近世陪從諸卒服飾。僭用綾
 羅錦繡。甚非古制焉。其十一。雜人不可恣乘輿。目曰。古來應
 其人。無免許而乘輿之家有之。免許以後乘輿之家有之。至
 近世。陪從諸卒亦乘輿。泛濫之甚也。自今以後。國主大名以
 下。一門貴族。須不及免許乘之。其餘親昵近臣。及醫陰兩道。
 或六十以上之人。或病人等。須免許以後得乘。陪臣從卒恣
 乘者。罪其主人。但公家門跡。及諸出世者。非制限。其十二。諸
 國士人。專用儉約。目曰。富者益侈。貧者恥不及俗之凋弊。莫
 甚於斯。宜嚴禁之。其十三。國主宜選用政務之器。目曰。凡治

國之道。在得人。明察功過。賞罰必當。國有善人。則其國彌殷。
 國無善人。則其國必亡。此前哲之明戒也。駿府記。家忠。日。是
 日。戶田土佐守高次卒于京師。家忠。日。記。十三日。朝廷改元元和。
 十七日。神祖與關白昭實商議。定冠族法制。昭實。二條。關。白。晴。良。公。子。大
 將軍來二條城。會傳奏及公卿。諭告法制十七條。其一。天子
 藝習。學問為第一。不學則不明古道。而致太平者。未之有也。
 貞觀政要。既有明文。寬平遺誡曰。雖不研究經史。亦可誦習。
 群書治要。禁祕鈔曰。和歌自光孝天皇未絕。雖綺語。而我國
 俗習也。不可棄捐。則宜專學之。其二。親王班三公之下。何則
 右大臣不比等班。舍人親王之上。舍人親王。仲野親王。贈太

政大臣穗積親王。准右大臣。皆一品親王。以後所贈大臣。然則為三公之下。斷無可疑。前官大臣三公。宜班親王之下。在官之時。為親王之上。辭表之後。可班次座。其次諸親王。但儲君不在此限。前官大臣。再居關白職。則可以攝家位次定班。其三。清華大臣。辭表之後。可班諸親王之次。其四。雖為攝家。而非其器者。不得任三公攝關。況其餘乎。其五。應器之人。雖年老而不得上三公攝關之辭表。但雖有辭表。可再任之。其六。養子者。蟬聯陸續。可用同姓。婦家外戚承家督。古今絕無其例。其七。武家官位。可為公家見任之外。其八。改元可用漢土年號吉者。選定。至他日習禮既熟。則可遵本朝之前規。其

九。天子禮服。大袖小袖裳。御紋十二象。

諸臣禮服各異

御袍麴塵青

色帛。生氣御袍。或御引直衣。御小直衣等事。山洞御袍赤色。椽或甘御衣。大臣袍椽異文小直衣。公卿著禁色雜袍。雖殿上人。大臣息或孫。聽著禁色雜袍。貫首五位藏人。六位藏人。著禁色。至極臈。著麴塵袍。是由下御服之義也。晴時雖下臈。著之。袍色四位以上椽。五位緋。地下赤衣。六位深綠。七位淺綠。八位深縹。初位淺縹。袍之紋。馬銜。唐草。輪無。家家以舊例著之。任槐以後異文也。直衣。公卿禁色直衣。直衣始。或拜領家家。任前規著之。殿上人直衣。羽林家之外不著之。雖殿上人。大臣息或孫。聽著禁色。直衣。布衣。直垂。隨所著用也。小袖。

公卿衣冠之時著綾殿上人著綾練貫羽林家至三十六歲著之此外不著之紅梅至十六歲三月諸家著之此外平絹也冠未滿十六透額帷子公卿自端午殿上人自四月酉日賀茂祭著之此通禮也其十諸家昇進次第家家可守舊例申達但學問有職歌道可專學之其餘積奉公之勞者雖為超越應蒙推任推叙下道真備雖為從八位下以有才藝之譽拜任右大臣最為眉目螢雪之功其可忽諸其十一關白傳奏及奉行職事等所命堂上地下輩有違之者宜處流刑其十二定罪輕重宜據名例律其十三攝家門跡宜班親王門跡之上而前官大臣必班其下以此准之但門跡非隸

等者不可有親王宣下門室之崇庠可視其人歷考前規法中親王希有之事也近年猥多甚無謂也攝家門跡親王門跡之外之門跡可為准門跡其十四僧正大正權門跡院家可守前例至凡民則器用卓拔者雖間任之可為准僧正但國王大臣之師範不在此限其十五門跡者僧都大正少權法印任叙院家者僧都大正少權律師法印法眼可遵前例任叙但如凡民本寺推舉之後可選其器以汲引之其十六紫衣之寺住持職前蹤希有近年猥勅許之且亂臈次且汚官寺甚不可也向後選其器局戒臈相積有智德之譽者方可汲引使之入院其十七上人號者本寺選碩學輩差別正權而薦舉之

則可降勅許。但其人佛法修行及二十年。則可為正。年序未

滿。則可為權。有濫競望者。可處流刑。家忠日記十九日。大將

軍發。伏見城還。江戶。年譜創業記駿府記。二十三日。至名護

屋城。義直饗之。賜真守刀。新藤五短刀。義直獻則重刀。行光

短刀。松榮紀事是日。神祖以大和宇陀郡上野山田郡之地。封織

田常真。時人稱其仁厚。駿府記松榮紀事。賜大和郡山城於水野勝

成。食六萬石。家忠日記二十四日。下五山十刹。妙心寺。大德寺。真

言宗諸寺。高野山。曹洞宗。永平寺。總持寺。淨土宗。及西山派

法式。駿府記家忠日記。二十九日。戮明石守重之黨。岡越前守。

及其子平內於妙顯寺。梟其首。晦。故豐臣秀賴夫人還江戶。

阿茶局及侍女數百人從輿。是日。戮荻野道喜子三人於妙

顯寺。駿府記關原記。大。全。妙顯寺。作。妙覺寺。曰。道喜子。子

披剃。為僧。正。天。海。徒。弟。亂。平。天。海。哀。訴。神。祖。乞。命。神。祖。赦。之。後。住。持。京。師。愛。宕。山。康。樂。寺。八。月。四。日。神。祖

發二條城。還駿府。是日。大將軍入江戶城。五日。神祖至水口

遇雨。留三日。十日。至名護屋。留十日。增封美濃采邑三萬石

於義直。二十三日。入駿府城。年譜創業記家忠日記。松榮二

十四日。大將軍以酒井忠利為使。賀神祖凱旋。神祖賜十五

夜茶壺於忠利。年譜創業記二十五日。戮大野治長之任子

彌十郎於江戶海禪寺。難波戰記曰。誅大野修理亮二子。信

據諸書。治德殉死。秀賴見上文。元。先是越後少將忠輝將兵

趨大阪擅殺麾下士長阪某伊丹某於森山驛難波戰記元寬日錄並曰

忠輝過森山驛有騎士僮僕僅四五人前驅叱之使下馬騎士哂曰我無二君竟不下前驅怒欲撻之騎士畏多衆走入驛舍避之及忠輝駕過突出揮刀擬忠輝從兵平井三郎兵衛安西右馬允擊殺之不知主名及大將軍凱旋過田中驛

長阪血鏢九郎跪于馬前訴越後少將濫殺臣弟大將軍聞之始知其寃還江府召忠輝家老詰問之皆伏其罪駿府記

曰八月五日神祖至水口驛始聞其事召江州代管小野總左衛門觀音寺等問之皆曰長阪某伊丹某中路為越後少將所殺按戰記日錄二書不載伊丹某但云

殺血鏢九郎之弟今從駿府記松榮紀事大阪之役忠輝逗撓不會戰期故神祖怒九月十日遣松平忠左衛門於越

後責其二罪絕之駿府記德川記慶元記松榮紀事二十九日神祖發駿府

放鷹關東十月四日至小田原大將軍遣安藤重信近藤季

用於莒根迎駕九日至神奈川大將軍來謁十日神祖至江

戶入西城十五日大將軍饗神祖於大城二十一日放鷹戶

田二十五日至河越晦至忍十一月九日至巖築移于越谷

葛西每日放鷹十六日至千葉十七日至東金創業記駿府記家忠日記

松榮十九日大將軍遣大田資宗於東金起居神祖家忠日記二

十五日松榮至舟橋二十七日還西城創業記駿府記家忠日記是月大

將軍論大阪戰功賜采邑於麾下諸士家忠日記初秀賴起兵大

虞院及大野治長屢遺書細川忠興招之忠興不從治長等

聞忠興嫁女於烏丸光賢權大納言光廣子喜謂此女忠興所鍾愛

也奪之為質則彼必來矣植島昭光與忠興有舊密告此謀於忠興故延及是月嫁之既而忠興赴江戶先至駿州謁見

神祖賞大阪之功。賜信國短刀。謂之曰。卿之稱羽柴氏也。太

閻無故賜之。宜復細川氏。忠興拜命之辱。細川家傳錄十二月四

日。神祖發江戶。十四日。至三島。擇泉頭勝地。明年春將築別

館。以為退隱之地。十六日。還駿府城。二十九日下令。明年元

日。諸士著烏帽素袍賀正。駿府記。松榮紀事是月。以故松平出羽守

忠政子五郎左衛門忠次。為榊原康勝之嗣。徙自橫須賀。賜

館林城。食十萬石。忠政出後于外祖大須賀康高。康勝卒無

子。故復本宗。家忠日記。松榮紀事。鷲峰文集。榊原忠次碑。忠

襲忠政之封。見上文。至是大須賀氏絕。是冬。神祖以第三女嫁淺野長晟。元寬

係二年正月十一日。今從家忠日記。松榮紀事。據源流綜貫。初適浦生秀行。生二子。忠卿。忠知。秀行卒。再醮長晟。生安藝。

守光晟三年八月卒。號正清院。是歲。賜攝州高槻城于內藤信昌。家忠日記。松榮紀事。

安藤重長叙從五位下。為伊勢守。後更右京進。據本多家譜。本多藤四郎子。養於安藤。

重信。賜上野板鼻采邑二千石。安藤系圖。池田長幸叙從五位下。為

備中守。家忠日記。

二年丙辰正月朔。大將軍遣使駿府賀正。創業記。家忠日記。是日。松

平忠次叙從五位下。為式部大輔。家忠日記。書松平五郎左衛門。據鷲峰文集。神祖命

襲祖父康政之舊稱。然猶不改。十九日。松平忠雄為侍從。藤

堂忠次叙從五位下。家忠日記。二十一日。神祖放鷹田中城外。夜

入田中城。體忽不念。遣落合小平次於江府告之。相去四十

餘里。小平次僅十二時而至。大將軍大驚。賞小平次行疾。賜

黃金衣服。二十四日。神祖病間。還駿府。家忠日記二十五日。

封松平忠昌於信州松代。以賞大阪戰功。食十二萬石。元寬

源流綜貫。但元寬日錄松代作。松本誤。今據諸國城主記訂之。二月朔。大將軍如駿府。二日

謁見。創業記。家忠日神祖喜其來。亟謂大將軍曰。余暮齡既

邁七旬。罹此重病。自揣不能再會。而大樹星夜馳至。喜何加

旃。大將軍不勝悲喜。揮淚而退。日夜憂懼。不遑寢食。頻請進

醫藥。神祖曰。今吾受病既篤。雖扁鵲無所施術。竟不使治療。

往年神祖上表辭右大臣。不欲進官階。詔旨為太政大臣。固

辭。至是詔旨再降。松榮三月十七日。敕使廣橋大納言藤原

兼勝。三條大納言藤原實條傳旨拜太政大臣。二十七日。受

綸命於駿府城。二十九日。饗敕使于府城。年譜。創業記。家忠

大將軍在上壇東面坐。尾張宰相義直。遠江宰相賴宣。水戶

少將賴房。北面陪侍。侍從細川忠利。并伊直。孝行。酒。諸大夫

供饌。設申樂饗之。禮節嚴重。厚贖勅使。贈遺有司。有差。松榮

是日。神祖力疾。整衣冠。受列侯之賀。松榮紀事作二十神祖

累月沈綿。四月。益困篤。乃召諸州侯伯。諭曰。老病危。燉命在

旦夕。然大樹既執海內之政柄。故不以後事為憂。若大樹政

令有不可。則宜諸將自執政柄。天下非一人之天下。天下之

天下也。余何抱恨於泉壤耶。今宜各歸本藩。待大樹之命。而

來。因頒賜遺留物。使還本州。又謂大將軍曰。凡天下之政。毫

釐勿作邪曲。余邇告侯伯曰。大樹政有不可。則宜自取之。可
 不慎哉。若有海內侯伯。方命不來者。雖親戚世臣。可速發兵
 誅戮。兩宰相少將尚幼。宜念我友愛之。大將軍獻歎。嗚咽而
 出。又名義直。賴宣。賴房。謂曰。汝曹善事大樹。或執賤役。或給
 侍左右。唯命是從。勿敢有違。三公子亦飲泣而出。松榮紀事先是
 神祖名越。後少將忠輝所生某氏。名阿茶面諭曰。少將天資雄
 健。其功必冠諸將。不意大阪之役。遷延不進。終不見敵之旌
 旗。以吾父子之親。其心叵測。矧於將軍兄弟之間哉。且擅殺
 長阪血鎧之弟。不告其故。將軍震怒。罪在不赦。故吾絕之。因
 泣下。某氏無言而退。作書報之。越後忠輝大駭。出高田城。趨

駿府。就執政謝之。神祖不許入城中。寓臨濟寺。以取進止。終
 不許見。元寬日錄。武家盛衰記。據源流綜貫。七月十日。大將軍
 奪封。徙伊勢朝熊。四年四月。徙飛驒高山。後遷信濃
 諏訪。天和三年卒於謫地。十七日。太政大臣從一位前征夷大將軍源家
 康公薨于駿府城。春秋七十五歲。年譜。創業記。家忠
 日記。松榮紀事。大將軍
 及三公子。下至群臣。哀慟殊甚。殯于久能山。本多正純。松平
 正久。板倉重昌。秋元泰朝。扈從靈柩。擇地而葬。大將軍使土
 井利勝代攝之。義直傳成瀨正成。賴宣傳安藤直次。賴房傳
 中山信吉。亦扈從。皆以遺命也。其餘不得入山中。二十五日。
 大將軍詣久能山。家忠日記。松榮紀事。頻年神祖歸台。教授法於僧正
 天海。且喜山王神道。與天海約百歲之後。當稱大權現。故天

海掌庶事。建神廟於久能山。神原照久康政之姪。而與修神事。常侍左右。神祖豫命照久。掌久能祭典。既而大將軍還江戶城。義直賴宣各就本藩。賴房還駿府城。松榮紀事。○本書曰。三公子各就其藩。源流綜貫。威公以蘆澤伊賀守信重為水戶城代。三年二月。發駿府至江戶。五年始就藩。此時未嘗就藩。故訂之。

年二月二十一日。勅賜號東照大權現。松榮紀事。係四月十日。使傳宣之日也。在下文。今從年譜。創業記。家忠日記。三月九日。勅贈正一位。大將軍從遺命。改葬靈柩於下野日光山。十五日發引。大僧正天海躬執鋪鍬以起土。蓋擬改葬大織冠之儀也。扈從諸臣。一如葬久能山之日。天海及神原照久從之。二十九日。靈柩至下野鹿沼。留數日。四月四日。至日光山。八日。藏靈柩於廟塔。十四日。移神靈於假殿。阿野宰相藤原實顯侍從。季時朝臣子。為宣命使。十六日。移於正殿。中御門宰相藤原宣衡權大納言。宣光卿子。為宣命使。清閑寺宰相藤原共房右大辨家。幸朝臣子。為奉幣使。年譜。創業記。松榮紀事。是日。大將軍詣日光山。十七日祭禮。梶井二品親王尊純。家忠日記。松榮紀事。作尊胤。按諸門跡。譜後伏見帝皇子。尊胤法親王。為梶井門跡。此外無稱尊胤。近代帝系伏見貞敦親王孫。靖庵子。尊純法親王。此時為梶井門主。今據此訂之。大僧正天海修之。卿相以下。助祭陪侍。大將軍自是定為大社。載在祀典。每歲修祭。正保二年十一月三日。賜宮號曰東照宮。十七日。勅使今出川前大納言經季權中納言。季持卿子。傳宣創業記。家忠日記。松榮紀事。神祖其仁如天。其智如神。武能戡亂。文能致治。松榮紀事。知人善使。從諫如流。

日。移神靈於假殿。阿野宰相藤原實顯侍從。季時朝臣子。為宣命使。十六日。移於正殿。中御門宰相藤原宣衡權大納言。宣光卿子。為宣命使。清閑寺宰相藤原共房右大辨家。幸朝臣子。為奉幣使。年譜。創業記。松榮紀事。是日。大將軍詣日光山。十七日祭禮。梶井二品親王尊純。家忠日記。松榮紀事。作尊胤。按諸門跡。譜後伏見帝皇子。尊胤法親王。為梶井門跡。此外無稱尊胤。近代帝系伏見貞敦親王孫。靖庵子。尊純法親王。此時為梶井門主。今據此訂之。大僧正天海修之。卿相以下。助祭陪侍。大將軍自是定為大社。載在祀典。每歲修祭。正保二年十一月三日。賜宮號曰東照宮。十七日。勅使今出川前大納言經季權中納言。季持卿子。傳宣創業記。家忠日記。松榮紀事。神祖其仁如天。其智如神。武能戡亂。文能致治。松榮紀事。知人善使。從諫如流。

簡拔才能。篤守信義。推獎樸實。虛偽不齒。務崇寬大。能容人過。然立法貴嚴。有犯軍令者。毫無所赦。措置事務。必為長久之計。其在岡崎城。洪水漂矢矧橋。亟使造之。將佐諫曰。此橋極大。經費不訾。當時群雄窺間。爭戰不弭。城下大河。最為要害。宜乘其壞。廢橋為渡。神祖不聽。曰。矢矧橋自古傳稱。其名聞于天下。今廢之用舟楫。使行旅艱辛。殆非太守之所安。宜不計經費。不日架之。恃險為要害。存乎其人。吾所不為也。竟修造之。嚴淵為政務存大體。不喜新法。嘗諭大將軍親臣井上正就曰。我家政事。專奉祖考之遺範。與二公之遺老耆宿。熟謀審議。而所定也。其要一以仁恕為本。獎忠信而斥姦軌。

與眾同好惡。下無怨讟。若有新進輩。銜才矜能。侮慢古法。有所更革。則邦之蠹也。汝須白將軍。亟黜此輩。凡明君良將。取善于人。昔源賴朝討奧州泰衡而平之。書牌榜郡縣曰。政事一遵秀衡之軌轍。老穉悅服。奧州立治。其牌至今猶存。末有賴朝印章。吾嘗見之。為國者須體此意。往年關白秀吉薨。管內八州之百姓工高。及僧徒山伏。適在京師者。登時奔赴伏見第。以慮有變。此豈一旦驅逐而所得哉。亦平日以恩撫眾之效也。蓋主將之法。在備不虞。吾為岡崎一城之主。則常備鄰境之城堡。為參河一國之主。則備鄰國之諸將。為關東八州之主。則以東海東山諸道之安危為心。及秉天下政柄。則

以四海昇平為心。審聞異邦之治亂。未敢一日寧處。安不忘危。治不忘亂。此為政之要道也。東照宮遺訓初神祖有關東八州。

其實六州。說見天正十八年。城郭未定。將士皆謂當以相州小田原為居

城。或謂當築城鎌倉。及神祖與關白秀吉議。以江戶為居城。

將士大驚。江戶城往年大田道灌所築。當北條氏時。遠山直

景居之。皆陪臣所守。而非牧守之居。城池狹小。樓櫓矮瑣。東

方平衍。蘆葦叢生。絕無可以割與第宅街市。連五十町之地。

西南平蕪曠野。接武藏野。渺無涯際。故人皆謂非八州太守

之所莫居也。神祖新命修築。務使麾下薄俸之士。便于治地。

先給西北大番町之地。鐘岡阜。填崖谷。帶高增下。因其地勢。

故功力甚省。次芟刈蘆葦。鑿溝渠。疏淤塞。用其土築成街市

之地。通潮汐。利漕運。為隄防。以禦水患。次給牧伯第宅之地。

皆井井有次序。竟成一大都會。日本國中。商賈輻湊。士庶麇

集。日盛月熾。而開拓無用之地。以為車馬之衢。籍沒田園。其

稅甚寡。而武藏野之新墾。悉為沃壤。租賦所入。幾十倍之。聚

落相接。編戶樂業。皆揆之於草創之日。而成算所及。若合左

券。眾庶莫不服其規模宏遠也。巖淵夜話定法制度。貽謀來裔。仁

君良主。世守大訓。重熙累洽。永承餘慶。可謂萬世無疆之盛

業也。松榮紀事

烈祖成績卷之二十終

木邨嘉平刻

松井甲太郎書

烈祖成績卷之二十終

跋

烈祖成績二十卷。先君觀山公命史臣安積覺所編次也。庫中舊藏三本。而其一本覺之所手自點竄。蓋係初稿本。一本迺仍稿本所新寫。而字句間有與原本異者。一本合為十七卷。與覺自序不合。今不知孰為定本也。因考之。覺初受命草斯書。年已七十二。閱五年而成。時先君既即世。尋有國史再訂之舉。覺掌其事。又閱六年竣功。而覺以是歲没。年八十二。其以耆耄鞅掌於史事如此。即知斯書雖能卒草創之業。而刪定潤色。固有所不遑及者。是以累世藏棄。不肯公于世也。然而覺於史學。固為擅長。而才力彊敏。至老弗衰。今觀其所

烈祖成績 友

編次採蒐該博。引證明覈。於東照公事蹟。蓋為最詳備矣。余恐其久而散逸也。因使家扶等參互校勘。訂其同異。付諸剞劂。以傳於世。是極知非先君及覺之意也。然古今修史者。草創之潤色之。然後為善書。蓋未有一人能成之者也。然則史之有待乎刪潤。不特斯書。而其草創之功。自有不可沒者。是余之所以傳之也。因錄其本末。以告讀斯書者云。

明治十年九月 東京 從四位德川昭武識

明治十年秋。官開內國博覽會於東京也。府下業剞劂者。相謀欲同刻一部書。各盡其技。以博聲譽。而苦無好書。聞吾鶴鳴館舊藏烈祖成績未上梓也。來請刻其書。館主許之。乃俾敏等校訂以授焉。於是工氏從其事者。凡十人。僅刻數卷。而閉場期迫。乃先出其成本若干冊。上場。大被褒賞。賜以鳳紋賞牌。實工氏之榮也。爾後閱一年。其功全竣。而中間或有倦而廢者。或有家罹火災而不能遂者。終始執業者。僅五人而已。五人即木邨嘉平。江川八左衛門。宮田六左衛門。瀧澤篁吉。竹口瀧三郎也。夫五人者。之於是舉也。勤苦研精。他人所不及。而其年老而業最力者。為木邨氏。木邨氏名房義。家實

五經社刊

木邨嘉平刻

罹災資財蕩滅而不顧。一意從事。以竟其功。是亦劊劊家之
安積翁也。及刻成。聊錄顛末。以置于卷尾。

明治十一年十二月

德川氏家扶服部敏識

（Faint bleed-through text from the reverse side of the page, including characters like 明治十一年七月廿六日 and 刻成）

明治十年七月廿六日版權免許
同 十一年十二月 刻成

著述者 舊水戶藩 安積 覺

出版人 東京府華族 德川 昭武
東京新小梅町壹番地

明治十年東京内國勸業博覽會
出品書出品發願彫刻人

東京神田小柳町十三番地

木邨嘉平

同 神田鍛冶町四番地

江川八左衛門

同 吳服町十一番地

宮田六左衛門

同 麴町十三丁目十番地

瀧澤蓑吉

明治十年六月十六日

